

Moja škola

Ona je kolijevka znanja, ali ponekad i mjesto lijepih i teških trenutaka za nas mlade ljude. Škola je mjesto druženja u kojem svaki osmijeh, ali i svaku suzu podijelim sa prijateljima. Ona je mjesto prvih simpatija i ljubavi.

Moja škola je osnovana 1946.godine. To je prelijepa zgrada koja očarava svojom ljepotom. U dvorištu se nalazi parking i igralište, a u blizini je fudbalski stadion. U holu je aparat za hranu i piće. Zidovi su joj ukrašeni radovima likovnim i literarnim radovima, a u jednom uglu se nalazi i kutak sa trofejima osvojenim na takmičenjima. Najzanimljiviji je kabinet anatomije u kojem se nalazi skelet čovjeka i razni panoi sa slikama na kojima možemo vidjeti kako naš organizam funkcionise. Tu su i kabineti za praktičnu nastavu, kabinet informatike i amfiteatar. Imamo i laboratorijske kabinete za demonstraciju eksperimenata iz hemije i fizike. Na prvom spratu smještena je biblioteka, riznica znanja i citata poznatih književnika i autora stručnih oblasti. Na drugi spratu vidjećemo zbornicu u kojoj borave profesori. Tu je i kancelarija direktorice koja brine o svima nama. Na usluzi nam je uvijek i pedagoška služba, spremna da sasluša, ohrabri i pomogne. U školi su zaposleni profesori koji sa nama dijele svoje znanje i motivišu nas da dosegemo svoje ciljeve.

Školu svako vidi na svoj način. Nekima učenje predstavlja radost, a nekima muču. Moja škola je više nego obična zgrada, ona je velika kuća u kojoj smo moj razred i ja jedna velika porodica, zajedno sa našim profesoricama.